



12. marts 2020

UKA 2020/91

Allannguut

Siunnersuuteqartup aqqa allanngortinneqarpoq ulloq 18. november 2020

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Illoqarfinni nunaqarfinnilu, immap tinittarnera ulerujussuarterneralu pillugit, angallatinut umiarsuarnullu talittarfiit qarsunneqartaleriartuinnarneri, isumannaannerusumik aaqqissuunneqarnissaat siunertaralugu, UKA2021-mut naammassereersimasussamik Naalakkersuisut pilersaarusoqquullugit peqquneqarnissaannik Inatsisartut aalajangiiffigisassaattut siunnersuut.

(Inatsisartuni ilaasortaq Bentiaaraq Bendtsen Ottosen, Atassut)

Tunngavilersuut:

Atassummiit oqariartaasigaarput, pinngortitaq aqussinnaanngilarput, inatsisiliortutulli pisut allanngorarneranni naleqqussaannissarput avaqqunneqarsinnaasannilaq.

Kommuunet sanaartugassaat iluarsartussinerit il il nalinginnaasumik 1. Marts nallertinnagu aningaasaliiffigisassatut pilersaarutaasut, Naalakkersuisoqarfimmut apuutereersimanissaat piumasagaataavoq, taamaattorli aamma sanaartorneqareersimasut aserfallassimasunullu nangittumik aningaasaliinerit tulleriaarinermi suliatut aningaasanut inatsisissamut suliarisarlutigit.

Pinngortitarsuarpulli allanngorartuurtuuvuq, pingaartumik qaammat imissineragut (ulikkaarfillugu) tinerujussuarterpoq ulerujussuarterlunilu. Angallammik sineriassuatsinni ingerlaartuurtuusugut, ikkarluit nuisasannigitsunut nuisasanerusaleriartuinnarneri aammalu talittarfiit pioreersut uleruloorneratigut qarsunneqartaleriartuinnarnerat upalungaarsimaffigisariaqalerparput isumaqarpunga. Qarsutsinikkut nioqqtissat allallu assigisaat isumannaatsuunissaat anguniartariaqarmat.

Immap uleruloorneratigut silarlunneratigullu nalaattareerparput, sapsuaareersut allaat qarsullugit inissiat malinnik aqquasaalatorineqarlutik annertuumik aserfallarujussuarneqartarnerat aammalu immap sarfarujussuarneragut talittarfiit il il qarsunneqartalernikuullutik.



Tunngavilersuutigisanni nunatta qeqqaniunerusumi kujataanilu nalaanneqarsimasut aallaaviunerupput, taamaattorli Nunatta Avannaani iluliarsuit aserornerini, qaqqaniillu ujararujussuarnik sisoortoqarneratigut tassaarsuortoqarneratigullu, inuit inuunerannik ajunaarnermik kinguneqartareersoq arajutsisimanngilarput.

Inuit qinigaattut pisussaaffigisariaqarparput, Kommuunet Inatsisartunilu Nuna tamakkerlugu sanaartorfioreersunik naleqqussarnissarput, minnerunngitsumillu siunissami nutaamik sanaartortoqarniartillugu isumannaatsuutitsinissamik pingaartitsinissarput.

Siunnersuuteqartutuut ilisimalluarpara, pilersaarusionermi akuersisarnermilu akisussaaffik sumiinnersoq. Inatsisartulli aningaasaleeqataasartutuut, siunnersuut tunngavilersuutigineqartorlu inatsisartuni taparserneqarnissaa qularutigingilara.

Pisortanut aningaasatigut allaffissornikkullu kingunerisassat:

Pilersaarusionermut tusarniaanernullu allaffissornikkut aningaasartuutigineqartussat 500.000 kruuniunissaat naatsorsuutigineqarpoq, ukiup ilivitsup ingerlanerani AC fuldmægtigep sulineranut.

Namminersorlutik inuussutissarsiuteqartunut aningaasatigut allaffissornikkullu kingunerisassat:

Soqanngilaq

Innuttsasunut aningaasatigut allaffissornikkullu kingunerisassat:

Soqanngilaq.